

百

博

考

呂佺孫
撰

中
華
書
局

此 據 滂 喜 齋 叢 書
本 排 印 初 編 各 叢
書 僅 有 此 本

百磚考

磚長存三寸五分。厚一寸一分。文曰十三年。篆文上一泉文。泉文上似魚尾形。上下俱缺。面亭布紋。四从古三字。漢自孝武始有建元。此當在孝武之前。文景均有十四年。未知何屬。出寧波郡縣後垣。

磚長八寸七分。左側厚八分。右側厚一寸一分。文曰太康九年七月五日鳳奴□作。隸書。奴下一字不可辨。上二格疑萬歲二字。歲字中藏一虎面。下一格疑不敗二字。合書。面方罨紋。間以四出泉文。晉武帝弟三改元也。出寧波鹿山。

磚長九寸五分。厚一寸四分。文曰咸康三年八月廿日所建。反文。每字一格。隸書。稍近楷法。面亭布紋。晉成帝弟二改元也。出寧波鄞山。同范甚多。咸字少一撇。季字多一橫。建字少一橫。篆隸俱無此體。

磚長九寸。厚一寸三分。上端文曰升平五年七月廿。下泐。反文。在側。泉文三。書文二。面芒布紋。晉穆帝弟二改元也。出寧波和義門側。

磚長六寸六分。厚一寸三分。文曰咸通四年造此磚記。正書。四面無花紋。唐懿宗紀元也。爲寧波天寧寺塔磚。塔已廢爲民居。磚猶多存者。前磚長一尺七分。厚一寸三分。文曰永寧二年八月五日章祿所作。下稍缺右側。上下窓文。泉文中蝠一鹿一。蓋取福祿之義。面亭布紋。松江姚元培得于台州。今歸呂氏。漢安晉惠並有永寧。皆止一年。晉惠至二年十一月改元。磚作于八月。故稱二年也。後一磚長存四寸三分。厚

一寸二分。文曰：永寧元年六月，下缺。反文，在篆隸間。出寧波。磚長存三寸二分，厚一寸。文曰：太康六，下缺。磚文多在左側，此獨在右。上銳下豐，上端一虎面，而蕉葉紋。出寧波郡廨。

磚長九寸四分，厚一寸二分。文曰：甲子年，孔安仁，寧波天封講寺之塔磚也。鄞縣志：寺在縣治東，塔始建于唐。宋嘉定間燬于火，元至元間重建。泰定三年圯，至順元年復建，後一修于明永樂間，一修于嘉靖三十八年。按至元改元，係景定五年甲子，其時四明尙屬宋地，志書不應稱至元。此云至元，當在十六年滅宋之後，則非至元之甲子可知。此外修建之時，並無甲子紀歲者，或尙係唐時始建之年，亦未可定。孔安仁，助磚人姓名。

磚長存三寸四分，厚一寸三分。文曰：泰和三年八月，月字半泐。隸書反文，上端泉文，一面亭布紋。出寧波。磚長存六寸五分，左側厚九分，右側厚一寸二分。文曰：年九月戊戌朔十三日，丙戌殷口作。反文，年字半缺。右側花紋泉文，面亭布紋。桂林秦恆久得于四明寓舍，楷書挺雅，近二王。當屬晉物，惜無紀年可考。磚長一尺七分，厚一寸，上銳下豐，上端一獸，不辨何物，面方罽紋，與黃武磚同。出于寧波鹿山，磚形大小亦同，當屬一塚中物。

磚長九寸七分，左側厚八分，右側厚一寸三分。文曰：咸康三年八月廿日所建，一字一格，與前咸康磚同。出寧波鄞山，文法亦同，惟此係正文，且磚形厚薄爲稍異耳。

磚長四寸五分，厚一寸七分。文曰：句章賀方，下缺。國語曰：其達至於甬，句東。注曰：甬，甬江。句，句章也。句章

之名始于周。至唐武德四年，析故句章縣置鄞州。後隋改爲句章鄉。延祐四明志載：今鄞縣句章鄉小溪之馬湖有洗馬池。世傳以爲賀監故宅。相距三里名賀家灣。其地賀姓甚多。嘗掘土得碑石。其可識者有會稽郡賀府君六字。耆老謂賀監始居于此。後徙鄞川。此埭多當是其鄉。賀姓名方者所造。埭質與咸渚及桃源鄉雁門等埭同。皆屬宋時物。

埭長存二寸四分。厚一寸三分。僅存咸安二字。咸字半泐。隸書近篆。右側泉文花紋。面苧布紋。晉簡文帝紀元也。出寧波別駕署垣。

埭長九寸二分。厚一寸四分。左側作四格。上下二格。花紋中一格。雙魚文一格。四出泉文。六面苧布紋。出寧波。

埭長存五寸三分。厚一寸八分。文曰：鴈門何記。又一埭有鴈門村戶何記六字。寧波府志：慈谿縣德門鄉黃山里總鴈門村。此埭當屬其鄉何姓承造之官埭也。埭質堅厚。與咸渚埭同。當屬宋物。出寧波郡廨。埭長九寸八分。厚一寸一分。文曰：五鳳二年十月廿二日造。下泐五字半泐。隸書反文。右側花紋。面蕉葉紋。間以古泉。出寧波。漢宣帝。吳廢帝皆號五鳳。此埭制作甚古。字法峻整。當屬漢。

埭長九寸三分。厚一寸二分。上端文曰：庚戌。下一字不可辨。下端文曰：永和六年八月一日王氏。隸書。左側雙龍文。右側泉文花紋。面苧布紋。同范甚多。亦有上銳下豐。上端一龍者。出寧波小溪。吳江劉德三藏一呂氏藏一。永和建元者。有漢安晉穆。此云六年庚戌。其爲晉物無疑。王字作丕。見華嶽碑。王氏盛於典

午故有龍紋非尋常民間塹也。

塹長八寸八分厚一寸左側文曰大康八年八月二日□□右側倒書文曰大康九年泰歲戊申治以七月五日鳳奴字在篆隸間左側大字一捺康字一撇俱下垂至末年字作事篆隸均無可考多二字上橫連月字作且字形日下不可識疑胡賜二字右側太歲太字作泰五字末橫兩端下垂抱日字鳳奴當是造磚人姓名晉人多有以奴爲字者如王子敬字官奴石季倫字齊奴劉裕字寄奴謝石字石奴之類右側年月姓名與前萬歲磚文同同范甚多亦有上銳下豐上豐下銳者面方罨紋間以古泉文曰上泉千五出寧波鹿山。

塹長存五寸二分厚一寸四分陰文草書當爲二字下缺上端花紋右側及面罨布紋出寧波爲下本有二字半泐磚文草書不多見海鹽張氏金石契中載太康五年楊紹買冢地荊行草陰文與此相類古人作事多尙吉祥磚文中有仕至公輔及千石公侯等辭吳興某氏藏磚有作□郭漢當作二千石語此塹僅存當爲二三字或卽當作二千石之意爲其人頌禱之詞歟。

塹長一尺七分厚一寸二分上廣三寸一分下廣五寸四分上端文曰黃武七年四月十日造作隸書反文七年二字又似正文左側花紋面蕉葉紋間以泉文四文曰五銖無孔吳大帝初改元也出寧波鹿山四字从四見鄭固碑及華山廟碑。

塹長存三分厚一寸四分上端文曰魯文粲孝廉左側罨文面罨布紋筆法近隸粲字从夂與郭仲奇碑

同漢重孝廉。或卽其人之墓塋也。出寧波。呂氏藏。今贈武進汪士進嘉興馮太史登府藏有漢元康三年磚。左側亦有董孝廉三字。

塋長存三寸五分。厚一寸二分。上端泉文。文曰五泉。次作窗文。次作橫直文。左側橫直紋中。間以泉文。下缺。面蕉葉紋。間以泉文。亦有五泉字。欽定錢錄中。並無五泉錢文。他磚又有作五兩五王者。未知何義。出寧波郡廨。

前塋長五寸。厚一寸二分。文曰永元。篆文。下泉文。一窓文。二下缺。面苧布紋。漢和帝紀元也。出寧波郡廨。吳江劉德三藏。後二品同一反文。並呂氏藏。

塋長存四寸二分。厚一寸三分。上端文曰。唐咸通五年。京兆下一字泐。四周無花紋。懿宗紀元也。京兆。或官階或郡名。未知何屬。出寧波鄞山古寺壁。

塋長存四寸五分。厚一寸二分。文曰元康二年十二月。月字半缺。面苧布紋。隸書甚遒勁。當屬晉惠帝紀元也。出寧波。

塋長七寸九分。厚九分。文在塋面。間於方罫紋中曰。永初元年六月。凡三月。月字半泐。隸書。出寧波鹿山。永初紀元者二。一爲漢安帝。一爲宋武帝。是塋制作與延平塋同。且與延平塋同時同地出土。決爲漢物無疑。

塋長一尺。厚一寸二分。文曰。建興四年八月十五日。周行思造作也。又一品文曰。建興四年八月十五日。

鄧周行思九堂造也。隸書。面苧布紋。出寧波鹿山。鄧爲秦時置縣。漢及三國、吳、晉、宋、齊、梁、陳皆仍之。隨并入句章。唐卽其地置鄞州。卽今鄞縣也。蜀漢吳廢帝並有建興。鄧地屬吳。不應紀蜀。吳止二年。惟西晉愍帝有四年。此當屬晉。周行思造塲人姓名。九堂未知何解。

塲長存四寸。厚一寸三分。左側一龜。下一物不可辨。上端一魚。面蕉葉紋。出寧波。

塲長存四寸。厚一寸三分。文曰。太元十二年。年字半泐。右側窗紋。泉文。面苧布紋。晉武帝弟二改元也。出寧波郡廩。

塲長八寸六分。厚一寸一分。文曰。咸和元年六月十三日。下泐上下端。右側花紋。面苧布紋。晉成帝紀元也。出寧波。

塲長九寸一分。厚一寸四分。上端文曰。王氏之墓。隸書反文。左側花紋。面苧布紋。出寧波。墓字从立。與曹全碑墓字。高彪碑莫字同。

塲長九寸四分。厚一寸五分。左側文曰。晉泰元十七年。泰誠壬辰維造。正文。右側文曰。晉泰元十七年。泰歲庚寅維造。反文。下端文曰。徐西曹君冢。正文。上端同。隸書。晉孝武弟二改元也。出寧波鄞山。孝武改元於丙子。則十七年正與壬辰相符。其右側庚寅。當是作者之誤。晉書職官志。諸公及開府位從公者。置長史一人。西東閣祭酒。西東曹掾。戶倉賊曹令史。各一人。杜氏通典。晉元帝以鎮東大將軍爲丞相。丞相府置從事中郎。分掌諸曹。江左初置軍諮祭酒。有錄事記室。東曹西曹等十三曹。西曹乃丞相府屬官也。

磚長存二寸五分，厚八分，上端文曰：開平三年，正書反文，四周無紋。後梁太祖初紀元也。出寧波開明橋側。

磚長存三寸五分，厚一寸，僅存咸康二字，隸書，上端四出泉文，一面苧布紋，出寧波別駕署垣。

磚長存四寸五分，厚一寸二分，文曰：寧喪吏，下泐，上缺，面苧布紋，出寧波巡道署垣。隸書似曹全碑，喪从喪，與衡方碑及平都相蔣君碑、益州太守無名碑同，決非漢晉後物，惜上缺下泐，不能釋其文義矣。

磚長存四寸四分，厚一寸二分，文曰：建平二年，字在篆隸間，反文，上端右側坎花紋，泉文，面苧布紋，漢哀帝初紀元也。出寧波。

磚長七寸，厚一寸四分，文曰：太元五年八月高仲，反文，太字半泐，面苧布紋，晉武帝弟二改元也。出寧波。

磚長存三寸五分，厚一寸二分，文曰：泰元十七，下缺，反文，上端一晉字，面苧布紋，出寧波。

磚長九寸，厚九分，文曰：大康七年，下一格作橫直紋，下書紋中間一作字，上端文曰：陳助，下一字泐，右側花紋，泉文，面方罫紋，間以古泉，出寧波鹿山，古人送葬多助墓，此蓋陳姓所助磚也。

磚長九寸，左側厚八分，右側厚一寸一分，文曰：惟大康四年歲在癸卯七月造作，隸書，筆法古勁，下端一鳳，面方罫紋，間以泉文，同范者二，出寧波鹿山。

有六星并奎字。製作極精。同範甚夥。星紋者惟此。出寧波鹿山。武進汪士進藏。欽定錢錄載。古人厭勝錢。有作北斗紋者。云以避水。此磚殆同其意歟。

磚長七寸六分。左側厚八分。右側厚一寸。文曰大康七八年。葛作。隸書。每字一格。七八二字一格。上下及葛字。下書文。面方罨紋。間以泉文。同範者二。出寧波鹿山。葛从艸微含篆意。夏承碑葉字。景君銘芬字。均作此體。造磚有定時。此云七八年。與前太康鳳奴磚。左側八年。右側九年者同。未知何解。

磚長九寸二分。厚一寸一分。文曰大康九季八月十日。口口作。隸書。日下二字泐。上下窗文。上端美作二字中間一鳳。面方罨紋。間以四出泉文。出寧波鹿山。美字从火。與衡方碑。曹全碑同。

磚長八寸八分。厚一寸。文曰大康九年。太歲在申。二月十七日。徐奴。隸書。又一品。尺寸相同。少太歲在申四字。多一作字。上下窗文。面方罨紋。間以古泉。出寧波鹿山。徐字一作徐。一作徐。篆隸均無可考。紀歲多兼干支。此獨言支而不言干。西湖六舟上人所得元康磚文云。其年建辰。又永興二年。吳家磚文云。大歲在丑。與此例同。後漢書鄭康成傳。有今年歲在辰。來年歲在巳之語。可見漢時已有此文法。

磚長九寸二分。厚一寸一分。文曰大康九年。湯望作。隸書。上下直紋。下端直紋一圓紋一。泉文二。虎面一。面方罨紋。間以泉文。下端有一鳳者。面有星紋者。出寧波鹿山。同範甚夥。湯字旁从出。近篆。望字从臣。从月。从土。見桐柏廟碑。

磚長存六寸三分。厚一寸五分。字橫列兩行。右一行文曰韓氏造。左一行文曰大康三年中。四出泉文一。

外以寶錠紋二貫之。兩端缺。面蕉葉紋。間以泉文。隸書。近韓勅碑陰。出寧波郡麻後垣。

磚長存二寸七分。厚一寸。僅存太康二字。下缺一格。有一周字。隸書。面蕉葉紋。出寧波鄞山古寺壁。太康紀年者。惟晉武帝。前後周均無太康年號。周字當係造磚人姓氏。

磚長八寸九分。左側厚八分。文曰太康九年七月十日陳晞作。上下窗紋。右側厚一寸一分。倒書文曰太康九年陳晞作。上下圓文二。四足貫以直如龜形。下端約存三四字。惟大年二字可辨。隸書。面方罫紋。間以四出泉文。出寧波鹿山。全磚剝蝕過甚。以殘缺二磚拓之。晞从希。與楊統碑晞字同。

磚長九寸二分。左側厚九分。右側厚一寸一分。文曰元康八年黃平作。下端文曰鄧公翼作。隸書。反文。惟康字正文。面苧布紋。出寧波漢元康止四年。此八年當屬晉黃平。鄧公翼。一爲造磚人。一或造匠之姓名也。

磚長存四寸。厚一寸七分。文曰秀州嘉興。下缺。反文。嘉興。秦爲由拳縣。屬會稽郡。後漢屬吳郡。吳黃龍時。改名嘉禾。寶鼎中。始改爲嘉興縣。唐志無秀州之名。嘉興隸蘇州。後晉時錢元瓘奏置秀州。分蘇州之嘉興。華亭。海鹽三縣。又添設崇德一縣。共四縣屬之。宋初秀州屬兩浙路。政和七年賜名嘉禾郡。慶元元年以孝宗所生之地。升爲嘉興府。此磚云秀州嘉興。當是北宋政和以前物。出寧波郡麻。

磚長存三寸二分。厚一寸五分。文曰剡縣。刻爲漢時置縣。屬會稽郡。晉宋齊梁陳隋因之。唐武德中。於縣置嵊州。又分置剡城縣。吳越改爲贈縣。宋復爲剡縣。宣和中改爲嵊縣。卽今紹興府屬之嵊縣也。此磚質

性堅厚。與宋磚同。當屬宋物。出寧波巡道署。

磚長一尺。左側厚九分。作五格。文曰。王旌所作四字。隸書。間于二四兩格斜界紋中。中一格斜窗紋。上下二格寶錠紋。寶錠左右並有王字。右側厚一寸一分。面苧布紋。出寧波。

磚長存四寸八分。厚一寸二分。文曰。晉永和七年太歲。隸書。歲字半泐。大字反文。面苧布紋。穆帝初紀元也。出寧波郡廨。

磚長存三寸八分。厚九分。文曰。耆卓記。行草反文。磚質厚薄。與乾符開平相類。耆卓。或耆老卓姓所造歟。磚長存四寸六分。厚一寸八分。文曰。桃源鄉俞下缺。出寧波郡廨。鄞縣志。桃源鄉在縣西三十里。宋寶慶元延祐二志並載是鄉。由來舊矣。桃源鄉所總四十五都二圖。村名俞家宅。跟此當屬其鄉俞姓所造。磚質與咸淳磚同。

磚長一尺。厚一寸四分。文曰。晉故暹和元年八月十八日。鄞縣周暹造。隸書。右側厚八分。花紋中一魚。又一品同。月下少十字。周暹下作自造作三字。上端花紋。下端泉文二。中一魚。面苧布紋。哀帝紀元也。出寧波鄞山。隆作暹。見衡方碑。暹作暹。見景北海碑陰。古未有以故字加于紀元者。如爲已故周暹造家。又不應稱自造。未知何解。

前磚長存五寸四分。厚一寸一分。文曰。元康八年太歲在戊午八月。後磚長存五寸七分。文曰。戊午八月廿日。傅家所造。磚合之是磚適長九寸六分。面方畧紋。八年戊午。乃晉惠帝時物也。又一磚長存三寸四

分。厚九分。文曰。元康二上直紋。下缺。面蕉葉紋。中一四出泉文。外重一郭。中有文。惟百五二字可辨。隸書。亦晉時物。出寧波。

磚長存五寸五分。厚一寸九分。文曰。制使侍制劉侍郎任內。咸淳玖年伍月內造。雙行並書。下一使字。下缺。又一磚長存四寸一分。上缺。雙行。存郎任內造四字。使下作一押。下有三十三甲四字。出寧波。同范甚多。亦有反文者。宋度宗紀元也。寧波府志。宋郡守署銜。率帶京朝官階。無品。以京朝官之品爲品。南渡以後。四明爲股肱輔郡。鎮以重兵。於是率以侍從卿貳爲知州。兼沿海制置使。此云制使侍制劉侍郎。蓋以待制侍郎而兼制使也。又府秩官志。知慶元府軍事劉良貴。於度宗八年任。劉侍郎當卽其人。年月數目用玖伍字。亦始見。三十三甲卽三十三都之總甲。所造如句章桃源鄉雁門村之類。皆承造之官磚也。

磚長八寸二分。厚一寸二分。左側文曰。泰元二年太歲下泐。右側文曰。孝子黃滕作。反文。而亭布紋。出寧波鄞山儀禮禮記。於親喪皆稱哀子。卒哭乃稱孝子。此蓋黃姓滕名者。爲其親造墓所作。

磚長六寸五分。厚二寸。文曰。萬宅西山壽堂輓範。雙行並竝書。下一使字。下一押。與咸淳磚式相同。當是萬姓所營壽壙磚也。

磚長存三寸八分。厚一寸二分。上端文曰。永嘉三年。下缺。永字半泐。反文。左側一蝙蝠。面亭布紋。晉懷帝初紀元也。出寧波別駕署垣。

磚長九寸二分。厚一寸六分。文曰。宋永初三年。下泐。左側泉文一。魚文二。上下端魚文各一。面亭布紋。宋

武帝紀元也。出寧波。

磚長存四寸。厚一寸一分。上端文曰張氏。隸書。左右側花紋。面蕉葉紋。出寧波別駕署垣。

磚長一尺。厚一寸四分。左側文曰泰和元年建功。右側文曰周濡林。面苧布紋。晉廢帝紀元也。出寧波鹿山。衡方碑少有濡術隸。釋云以濡爲儒。濡林當卽儒林之通用也。

磚長三寸。厚一寸。左側花紋。面蕉葉紋。中作一鶴。出寧波。

磚長存四寸三分。厚一寸一分。左側一人形。肩下甚短。面方罽紋。出寧波鹿山。墓室畫像。始見於永建孝堂山石室。及梁武射陽朱鮪。皆屬漢刻。蓋塗車芻靈之意。所以供媚墓中人者也。

右永嘉磚。長存七寸。厚一寸八分。文曰永嘉謝卯。陰文。樂清縣磚。長存四寸七分。厚一寸九分。文曰樂清縣林雪。平陽縣磚。長存四寸八分。厚一寸九分。文曰平陽縣黃國。反文。陽作腸。縣作縣。平字黃字半泐。瑞安縣磚。長存五寸。厚一寸七分。文曰瑞安縣金閨。陰文。永嘉。漢爲回浦縣地。東漢爲章安地。永建時始分章安縣東甌鄉置永寧縣。晉太寧初。於縣置永嘉郡。隋開皇中。遂改爲永嘉縣。三國吳分章安縣地置羅陽縣。寶鼎中改爲安陽。晉太康初改爲安固。又析安固縣橫蕪船屯地置始陽縣。尋改橫陽。唐天復初改安固爲瑞安縣。又晉寧康時分永寧縣地置樂成縣。吳越于後梁時奏改爲樂清縣。並改橫陽爲平陽縣。四縣並隸今温州府。磚迭出寧波甚夥。惟造磚人姓名不同。質堅厚。類宋時物。温州屬凡五縣。獨無泰順縣。磚蓋泰順始建于明景泰時。此四磚之造。在泰順未設以前。更屬可信。

磚長九寸七分，厚一寸二分。文曰：晉帝升平元年，元皇帝同宗口相所造。隸書反文，相上一字泐。晉帝宗所造五字半泐。右側泉文三，窗文二，面苧布紋。穆帝弟二改元也。出寧波鄞山。穆帝爲元帝曾孫，此稱元皇帝同宗，或其時宗室營造之磚也。

磚長四寸八分，厚一寸，無紀年可考。左側花紋，面蕉葉紋，間以古泉二。泉文有如五兩。出寧波。五兩錢無可考。惟梁武帝時鑄五銖錢，徑七分半，重三銖半。文曰五朱，源出稚錢，但稍遷異，以朱爲銖耳。兩字橫書，或卽朱之異文，未可遽定，但製作古朴，迥非唐宋以下之物，則可信也。

磚長存三寸，厚一寸一分。文字奇古，不可識。中疑九月二字，面苧布紋。出寧波范氏天一閣後垣。磚長三寸八分，厚一寸四分。左側泉文一，下文字奇古，不可辨。疑顛倒作富貴二字，面紋作靈芝形。出寧波。

磚長九寸，厚一寸四分，下稍缺。左側作四格，上下二格，花紋中二格，字法奇古，不可辨。當是漢晉時物。面苧布紋。出寧波。

前磚長存六寸，厚一寸三分。文曰：晉泰和五年，太歲丙午九字。後磚長存五寸九分。文曰：歲丙午秋八月十五日建功十一字。合之是磚適長一尺。正書稍有隸意，和字偏旁又近行書。面苧布紋。晉廢帝紀元也。出寧波太泰古通。孟子太山泰山於見。漢書食貨志：收泰半之賦。郊祀志：祭泰一地祇。賈誼傳：不泰迫乎。太皆作泰。隋唐書經籍志亦作泰和。後太康泰元磚文。太歲太字皆作泰。磚文每多立作立功建功。當是

其時常用之語。猶云興工也。廢帝元年丙寅五年。當屬庚午。此云丙午。當係造磚人之誤。磚長九寸。左側厚七分。右側厚一寸一分。文曰。大康九年太歲在戊申八月作湯氏塋。隸書。面方罽紋。間以古泉。亦有作星紋者。出寧波鹿山。同范甚夥。作字从彳。隸書無此體。塋字从土。與堯廟碑同。磚長存三寸。厚八分。上端文曰。乾符三年記。四周無花紋。唐僖宗弟一紀元也。出寧波五鄉硤古寺壁。磚長存二寸。厚一寸二分。隸書反文。約三四字。僅一徐字可辨。面苧布紋。因其字體整飭。故存之。磚長存三寸三分。厚九分。面方罽紋。文在正面曰。延平元年。左側倒書永初元年四字。字近篆隸。延字作廷。出寧波鹿山。漢殤帝及後燕慕容麟皆延平紀元。四明非後燕所隸。自屬漢物。且殤帝在位僅八多月。安帝卽位。次年卽改元永初。是磚或作范於延平。成磚於永初。故有兩紀年歟。磚長存四寸七分。厚一寸四分。上下俱缺。僅存一龍。面苧布紋。出寧波。磚長九寸。厚一寸四分。文曰。晉泰元十五年太歲庚寅造。上端文曰。黃典書君冢。隸書。書字反文。右側花紋。面苧布紋。武帝弟二改元也。出寧波鄞山。晉書職官志。典書係藩府官位。在常侍侍郎之下。磚長存四寸六分。厚一寸二分。文曰。元二年八月十日。日字半缺。反文。右側花紋。泉文。面苧布紋。磚上端已全。元二季未知何解。出寧波。磚長存三寸六分。厚一寸。文曰。建興反文。建字少一直。上泉文。下缺。面苧布紋。出寧波。蜀漢吳廢帝。西晉愍帝。並有建興。此磚制作甚古。字近篆隸。非西晉時物。四明地不應紀蜀。當屬吳。